

# **Ka Helu Kanaka ‘Ana 2020: Ka Helu ‘Ana I Nā Lālā o Ka ‘Ohana**

E ho‘opiha i ka Helu Kanaka ‘Ana 2020 no ke kōkua ‘ana i ka ‘ohana me ke kaiāulu!

E ho‘omaopopo i ka helu pau i nā *kānaka a pau* e noho nei ma kou helu wahi— nā pēpē, nā ‘ōpio, a me nā lālā a pau o ka ‘ohana, a me nā hoahale. I kekahi manawa, poina ka helu ‘ia ‘ana o nā pēpē me nā ‘ōpio. He mea nui ka helu ‘ia o lākou.

## **He aha ka mea ko‘iko‘i o ka helu ‘ia ‘ana o nā keiki ‘ōpio.**

Kōkua ka helu ‘ia ‘ana o nā keiki i ka ulu ‘ana o lākou.

I kou pane ‘ana i ka helu kanaka ‘ana, hiki ke hō‘oia ka loa‘a ‘ana mai o ke kālā me ka lawelawe ma ke kaiāulu. Ho‘omāhelehele ‘ia he \$20 biliona i kēlā me kēia makahiki i nā moku‘āina, ma kekahi ‘ano, ma ka heluna o nā keiki 5 makahiki a emi mai no:

- Nā Papahana Kula Kamali‘i, nā papahana kīnānā, ka ha‘awina kālā no ke kamali‘i a me ka Head Start
- Medicaid me ka ‘inikua ola kino keiki
- Nā papahana hale no ke kūlana ‘ilihune
- Nā papahana kākō‘o ‘aiaola a me WIC

Ho‘ohana pū ‘ia ka ‘ikepili Helu Kanaka no ka ho‘olālā ‘ana me ka ho‘oholo ‘ana. Eia iho nei kekahi mau la‘ana:

- No nā kula, nānā ‘ia ka helu no ka ho‘oholo ‘ana i ka nui o nā kula.
- Ho‘ohana nā kānaka mālama ola kino no ka ho‘oholo i kahi e mālama ai i nā haukapila me nā ke‘ena kauka.

## **Pehea e helu ‘ia ai nā keiki ‘ōpio?**

Ke ho‘opihapiha ‘ia ka helu kanaka ‘ana, e helu i nā kānaka a pau e noho ana ma laila ma ka 1 ‘Apelila 2020.

Mai poina i ka helu ‘ana i:

- Nā keiki a pau ma kou hale, e helu pū i nā mo‘opuna, nā keiki ‘ohana a me nā keiki o nā hoaaloha.
- Nā keiki e noho ana ma kekahi mau hale ‘ē a‘e. Inā e noho ana me ‘oe ma ka 1 ‘Apelila 2020.
- Nā pēpē i hānau ‘ia iho nei, pēia pū me nā pēpē ma ka haukapila ma ka 1 ‘Apelila 2020.
- Nā kānaka a pau e noho a hiamoe nei ma kou hale ma ia lā.

